

Povodom akcije podizanja svijesti mladih neophodnosti borbe protiv korupcije, "Antikor tim", uz podršku Antikorupcijske mreže BiH – ACCOUNT, raspisuje Konkurs za najbolji strip sa temom „Korupcija u obrazovanju“. Najbolji radovi biće izloženi na web-stranici Antikorupcijske mreže BiH „Account“, a najbolji autori nagrađeni. Pobjednički strip će postati sastavni dio kampanje protiv korupcije.

PRAVILNIK UČEŠĆA NA KONKURSU

Član 1. - TRAJANJE

Konkurs je otvoren od 23.09.2013. godine i traje do 14.10.2013. godine.

Član 2. - TEMA

Strip treba da bude urađen na temu „Korupcija u obrazovanju“, te da svrsishodno sadrži jasnu poruku podrške borbi protiv korupcije.

Član 3. - UČEŠĆE

Pravo učešća imaju svi učenici osnovnih i srednjih škola, kao i studenti, koji su pritom i državljani Bosne i Hercegovine. Samim tim, učesnici se takmiče u tri posebne kategorije (osnovna škola, srednja škola, fakultet), ali i na sveukupnom nivou.

Član 4. - POSTUPAK SLANJA

Radovi koji su dostavljeni na Konkurs ne moraju biti originali, već mogu biti skenirani originali, nacrtani ili odštampani (digitalni radovi), stripovi u crno-bijeloj tehnici ili koloru. Ograničenje za stripove je jedna tabla. Sve grafičke tehnike su dozvoljene.

Prednost se daje ideji i poruci stripa, u odnosu na prikazane umjetničke sposobnosti učesnika.

Potrebno je da uz rad budu dostavljeni sljedeći podaci:

- ime rada
- ime i prezime autora
- kontakt telefon
- obrazovna ustanova koju autor pohađa

Radovi moraju biti ORIGINALNI. Stripovi koji su već ranije objavljivani bit će diskvalifikovani.

Član 5. - ADRESA SLANJA

Skenirane stripove (u PDF ili JPG formatu) slati na elektronsku adresu:

stripkonkurs@account.ba

sa naznakom „KONKURS ZA NAJBOLJI STRIP O KORUPCIJI“.

Kao što u prethodnom članu piše, uz rad je obavezno dostaviti i navedene lične podatke. Maksimalan broj radova po učesniku je JEDAN.

Član 6. - AUTORSKA PRAVA

Učestvovanjem na konkursu, svaki učesnik daje "Antikor timu" i ACCOUNT-u dozvolu da objavi njegov/njen rad i da ga koristi. Svi finalisti ustupaju prava na objavljivanje njihovih radova u brošurama, katalozima, kalendarima i u medijima.

Član 7. - NAGRADE

S obzirom da na ovom konkursu pravo učešća imaju svi učenici osnovnih i srednjih škola i studenti, po jedan (najbolji) rad u svakoj kategoriji biće nagrađen, a autor stripa koji žiri procijeni kao najuspješniji, biće proglašen za pobjednika (bez obzira na kategoriju).

Nagrade su sljedeće:

Za pobjednički strip: 150,00 KM

Za najbolji strip u kategoriji:

Osnovna škola: 50,00KM

Srednja škola: 50,00KM

Fakulteti: 50,00KM

Pored novčanih nagrada pobjednici će dobiti i dodatne nagrade koje je obezbijedio ACCOUNT.

Član 8. - OCJENJIVANJE

Žiri koji će odlučivati o pobjednicima činiće tri člana. Žiri će ocjenjivati sve radove *prvenstveno vrednujući ideju i poruku* koju oni šalju. Svi radovi koji sadrže govor mržnje, u bilo kom obliku, biće diskvalifikovani. Pobjednici i rezultati konkursa će biti objavljeni 16.10.2013. godine na zvaničnom sajtu „Antikor tima“ Univerziteta u Banjoj Luci (www.antikortim.org) i sajtu Antikorupcijske mreže BiH ACCOUNT (www.account.ba) kao i putem sredstava javnog informisanja. Odluke žirija su konačne, i na njih ne postoji pravo žalbe.

Član 9. - DODATNE INFORMACIJE

Za dodatne informacije, obratite se elektronskim putem na adresu: stripkonkurs@account.ba

Član 10. - NAPOMENE

SLANJEM RADA NA KONKURS, SVAKI UČESNIK PRISTAJE NA PRAVILA UČEŠĆA.

Svi pristigli radovi, koji prekrše bilo koji član Pravilnika učešća na ovom konkursu, biće diskvalifikovani.

23. septembar, 2013. godine

Antikor tim Univerziteta u Banjoj Luci